

**FEDERALNO MINISTARSTVO PRAVDE****634**

Na temelju članka 200. stavak 1. Zakona o upravnom postupku ("Službene novine Federacije BiH", br. 2/98 i 48/99) i članka 27. stavak 1. točka a) Zakona o vještacima ("Službene novine Federacije BiH", br. 49/05 i 38/08), federalni ministar pravde donosi

**RJEŠENJE**

Razrješava se funkcije sudskog vještaka **MIRNES HALILOVIĆ**, diplomirani inženjer sigurnosti i pomoći, stalni sudski vještak iz oblasti zaštite na radu.

Rješenje federalnog ministra pravde broj: 01-08-1-250-12/22 od 01.06.2023. godine o imenovanju Mirnesa Halilovića za stalnog sudskog vještaka iz oblasti zaštite na radu, se ukida.

Vještak Mirnes Halilović se briše iz Imenika i sa Liste stalnih sudskih vještaka u Federaciji Bosne i Hercegovine.

Ovo rješenje stupa na snagu danom objave u "Službenim novinama Federacije BiH".

Broj 01-08-1-250-12/22-1  
12. travnja/aprila 2024. godine  
Sarajevo

Ministar  
**Vedran Škobić**, v. r.

**635**

Na temelju članka 200. stavak 1. Zakona o upravnom postupku ("Službene novine Federacije BiH", br. 2/98 i 48/99) i članka 27. stavak 1. točka a) Zakona o vještacima ("Službene novine Federacije BiH", br. 49/05 i 38/08), federalni ministar pravde donosi

**RJEŠENJE**

Razrješava se funkcije sudskog vještaka **mr sc. Berima Haćam**, diplomirani psiholog, stalni sudski vještak iz oblasti medicinske struke, podoblast psihologija.

Rješenje federalnog ministra pravde broj 01-06-3-849-2/19 od 20.05.2019. godine o ponovnom imenovanju mr sc. Berime Haćam za stalnog sudskog vještaka iz oblasti medicinske struke, podoblast psihologija, se ukida.

Vještak mr sc. Berima Haćam se briše iz Imenika i sa Liste stalnih sudskih vještaka u Federaciji Bosne i Hercegovine.

Ovo rješenje stupa na snagu danom objave u "Službenim novinama Federacije BiH".

Broj 01-06-3-849-2/19-1  
16. travnja/aprila 2024. godine  
Sarajevo

Ministar  
**Vedran Škobić**, v. r.

**FEDERALNO MINISTARSTVO  
FINANSIJA/FINANCIJA****636**

Na osnovu člana 95. Zakona o Poreznoj upravi Federacije Bosne i Hercegovine ("Službene novine Federacije BiH", br. 33/02, 28/04, 57/09, 40/10, 27/12, 7/13, 71/14, 91/15 i 44/22), a u vezi s članom 43. stav (1) Zakona o Poreznoj upravi Federacije Bosne i Hercegovine ("Službene novine Federacije BiH", br. 33/02, 28/04, 57/09, 40/10, 27/12, 7/13, 71/14, 91/15 i 44/22), federalni ministar finansija - financija donosi

**PRAVILNIK****O IZMJENAMA I DOPUNI PRAVILNIKA O  
PROCEDURAMA PRINUDNE NAPLATE POREZNIH  
OBAVEZA**

Član 1.

U Pravilniku o procedurama prinudne naplate poreznih obaveza ("Službene novine Federacije BiH", br. 50/02, 54/03,

31/11, 38/16, 69/17 i 18/21) u članu 38. stav (3) tačka 2) mijenja se i glasi:

"2) ime, naziv i adresa obveznika, suvlasnika i mogućeg korisnika čija imovina je predmet zapljene, identifikacioni broj poreznog obveznika ili JMBG i sve podatke koji mogu doprinijeti identificiranju vlasnika i eventualnog zakupca."

U tački 3) riječi "akt iz kojeg se vidi šta je predmet" mijenjaju se riječima "pravni osnov".

Član 2.

U članu 39. iza stava (2) dodaje se novi stav (3) koji glasi:

"(3) Zapisnik o spisku zaplijenjene imovine osim navođenja službenih radnji, sadrži još i spisak sve zaplijenjene imovine, evidencijske oznake i fotografiju svakog pojedinačno zaplijenjenog predmeta ili grupe manjih istovjetnih predmeta, podatak da li je izvršeno pečačenje poslovnih prostorija i/ili imovine."

Član 3.

Čl. 48. i 49. mijenjaju se i glase:

"Član 48.

(1) Molba za odgodu plaćanja ili za plaćanje u ratama (u daljem tekstu: Molba) podnosi se Odsjeku za prinudnu naplatu, u roku:

- za obavezu iz redovne naplate – najkasnije do isteka roka za plaćanje utvrđenog Nalogom za plaćanje;
- za dug u prinudnoj naplati – najkasnije do dana koji prethodi danu u kojem se izdaje odobrenje za prodaju zaplijenjene imovine.

(2) Molba treba da sadrži:

- ime i prezime/naziv podnosioca, identifikacioni broj/JMBG i adresu sjedišta/prebivališta, a ukoliko postoji, i zastupnika;
- identifikaciju duga za koji se traži odgođeno plaćanje uz naznaku njegove vrste, iznosa i datuma kada je istekao propisani period redovne naplate.
- razloge podnošenja zahtjeva, uz navođenje postojeće ekonomske situacije i ocjene očekivanja;
- tačno navođenje vrste zahtjeva (odgoda plaćanja ili plaćanje duga u ratama), vremenskog perioda na koji se odgođeno plaćanje odnosi i datuma uplate odgođenog plaćanja (5. ili 10. ili 20. u mjesecu);
- ponuđeno sredstvo osiguranja, kako je propisano ovim pravilnikom;
- mjesto, datum i potpis podnosioca.

(3) Uz Molbu podnosilac je dužan dostaviti:

- izjavu o osiguranju neopozive sveobuhvatne garancije banke ili druge finansijske institucije;
- dokumentaciju o zastupanju.

(4) Kada nije moguće osigurati sveobuhvatnu garanciju banke u skladu sa tačkom a) stava (3) ovog člana, uz molbu treba dostaviti:

- izjavu dužnika o nemogućnosti osiguranja sveobuhvatne garancije banke ili druge finansijske institucije;
- procjenu imovine ponuđene kao sredstvo osiguranja, koju je izvršila specijalizirana nezavisna institucija/vještak ili stručnjak, rađenu u vrijeme podnošenja zahtjeva i u svrhu odobravanja odgođenog plaćanja duga;
- dokaz o vlasništvu imovine koja se nudi kao sredstvo osiguranja odgođenog plaćanja, odnosno saglasnost vlasnika imovine ukoliko se radi o imovini koja nije u vlasništvu dužnika;
- bilans stanja i bilans uspjeha iz prethodne godine i izvještaj revizora ukoliko postoji.

- (5) Ukoliko Molba ne ispunjava formalne uslove ili uz njega nije podnesena obavezna dokumentacija, Porezna uprava će od podnosioca zatražiti da otkloni nedostatke, odnosno kompletira Molbu u roku od 10 dana, uz upozorenje da će, ukoliko u ostavljenom roku ne postupi po traženom, molba biti odbijena.
- (6) Molba se odbija ako je nije potpisana od strane dužnika ili ovlaštenog zastupnika.
- (7) Nakon odobravanja odgođenog plaćanja, odobreni uslovi se ne mogu mijenjati.

#### Član 49.

- (1) U pravilu, kao sredstvo osiguranja plaćanja služi sveobuhvatna garancija banke ili druge finansijske institucije.
- (2) Ukoliko iz opravdanih razloga dužnik nije u mogućnosti osigurati garanciju iz stava (1) ovog člana, Porezna uprava može prihvatiti sljedeća sredstva osiguranja plaćanja, prema sljedećem redoslijedu prioriteta:
  - a) hipoteku,
  - b) zalog sa ili bez izmještanja pokretne imovine,
  - c) garanciju trećeg lica ili zajedničku garanciju trećeg lica i dužnika.
- (3) Garancija banke ili druge finansijske institucije pokriva naknadne terete i već isplaćene troškove ako je odgoda plaćanja tražena u periodu prinudne naplate plus kamatu na odgodu plaćanja, plus 10 % od oba navedena iznosa i izdaje se na period najmanje 6 mjeseci duži od odobrenog perioda odgode plaćanja.
- (4) Garancija banke se dostavlja Poreznoj upravi najkasnije u roku navedenom u obavijesti kojom se obavještava da se odobrava odgođeno plaćanje. Ukoliko se garancija ne podnese, odgoda plaćanja se automatski ukida.
- (5) Ukoliko je odobreno odgođeno plaćanje duga koji je osiguran zalogom na imovini, isti su u obavezi da na prvi poziv Odsjeka pristupe zaključenju ugovora o zalogu, a najkasnije istekom roka navedenim u obavijesti kojom se obavještava da se odobrava odgođeno plaćanje, u protivnom se donosi odluka o odbijanju Molbe.
- (6) O ispunjenju ekonomskih i pravnih uslova ponuđenog sredstva osiguranja odlučuje Odsjek koji je zaprimio Molbu.
- (7) Sredstvo osiguranja se oslobađa nakon namirenja ukupnog iznosa duga za koji je odobreno odgođeno plaćanje ili plaćanje u ratama, a koji je osiguran tim sredstvom ili nakon izmirenja duga."

#### Član 4.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 05-02-2-2162/24

Aprila 2024. godine  
Sarajevo

Ministar  
**Toni Kraljević**, s. r.

Na temelju članka 95. Zakona o Poreznoj upravi Federacije Bosne i Hercegovine ("Službene novine Federacije BiH", br. 33/02, 28/04, 57/09, 40/10, 27/12, 7/13, 71/14, 91/15 i 44/22), a u vezi s člankom 43. stavak (1) Zakona o Poreznoj upravi Federacije Bosne i Hercegovine ("Službene novine Federacije BiH", br. 33/02, 28/04, 57/09, 40/10, 27/12, 7/13, 71/14, 91/15 i 44/22), federalni ministar finansija - financija donosi

## PRAVILNIK O IZMJENAMA I DOPUNI PRAVILNIKA O PROCEDURAMA PRINUDNE NAPLATE POREZNIH OBAVEZA

### Članak 1.

U Pravilniku o procedurama prinudne naplate poreznih obveza ("Službene novine Federacije BiH", br. 50/02, 54/03, 31/11, 38/16, 69/17 i 18/21) u članku 38. stavak (3) točka 2) mijenja se i glasi:

"2) ime, naziv i adresa obveznika, suvlasnika i mogućeg korisnika čija imovina je predmet zapljene, identifikacijski broj poreznog obveznika ili JMBG i sve podatke koji mogu doprinijeti identificiranju vlasnika i eventualnog zakupca."

U točki 3) riječi "akt iz kojeg se vidi što je predmet" mijenjaju se riječima "pravna osnova".

### Članak 2.

U članku 39. iza stavka (2) dodaje se novi stavak (3) koji glasi:

"(3) Zapisnik o popisu zaplijenjene imovine osim navođenja službenih radnji, sadrži još i popis sve zaplijenjene imovine, evidencijske oznake i fotografiju svakog pojedinačno zaplijenjenog predmeta ili grupe manjih istovjetnih predmeta, podatak je li izvršeno pečačenje poslovnih prostorija i/ili imovine."

### Članak 3.

Čl. 48. i 49. mijenjaju se i glase:

#### "Članak 48.

- (1) Molba za odgodu plaćanja ili za plaćanje u ratama (u daljnjem tekstu: Molba) podnosi se Odsjeku za prinudnu naplatu, u roku:
  - a) za obvezu iz redovne naplate – najkasnije do isteka roka za plaćanje utvrđenog Nalogom za plaćanje;
  - b) za dug u prinudnoj naplati – najkasnije do dana koji prethodi danu u kojem se izdaje odobrenje za prodaju zaplijenjene imovine.
- (2) Molba treba sadržavati:
  - a) ime i prezime/naziv podnosioca, identifikacijski broj/JMBG i adresu sjedišta/prebivališta, a ukoliko postoji, i zastupnika;
  - b) identifikaciju duga za koji se traži odgođeno plaćanje uz naznaku njegove vrste, iznosa i datuma kada je isteklo propisano razdoblje redovne naplate.
  - c) razloge podnošenja zahtjeva, uz navođenje postojeće ekonomske situacije i ocjene očekivanja;
  - d) točno navođenje vrste zahtjeva (odgoda plaćanja ili plaćanje duga u ratama), vremenskog razdoblja na koje se odgođeno plaćanje odnosi i datuma uplate odgođenog plaćanja (5. ili 10. ili 20. u mjesecu);
  - e) ponuđeno sredstvo osiguranja, kako je propisano ovim Pravilnikom;
  - f) mjesto, datum i potpis podnosioca.
- (3) Uz Molbu podnositelj je dužan dostaviti:
  - a) izjavu o osiguranju neopozive sveobuhvatne garancije banke ili druge finansijske institucije;
  - b) dokumentaciju o zastupanju.
- (4) Kada nije moguće osigurati sveobuhvatnu garanciju banke sukladno točki a) stavka (3) ovoga članka, uz molbu treba dostaviti:
  - a) izjavu dužnika o nemogućnosti osiguranja sveobuhvatne garancije banke ili druge finansijske institucije;